

张羽新 徐中起 欧光明 主编

张双志 苏钦 副主编

《清朝安边治国 民族立法文献汇编》



中国民族摄影艺术出版社

中央民族大学『985工程』中国当代民族问题战略研究
哲学社会科学创新基地民族法研究中心项目

本书出版得到国家古籍整理出版专项经费资助

(嘉庆) 钦定大清会典理藩院事例 (三)

本册目录

(嘉庆)钦定大清会典理藩院事例(二)

欽定大清會典事例卷七百三十九

理藩院

設官 內蒙古部落官制 外蒙古部落官制

內蒙古部落官制 ○科爾沁左翼中旗佐領四十六人。左翼前旗佐領三人。左翼後旗佐領三十二人。右翼中旗佐領二十三人。右翼前旗佐領十六人。右翼後旗佐領十六人。扎賚特旗佐領十六人。杜爾伯特旗佐領二十五人。郭爾羅斯前旗佐領二十三人。後旗佐領三十四人。喀喇沁中旗佐領五十一人。左翼旗佐領四十八

人。右翼旗佐領四十四人。土默特左翼旗佐領八十人。附喀爾喀佐領二人。右翼旗佐領九十七人。敖漢旗佐領五十五人。奈曼旗佐領五十人。巴林左翼旗佐領十六人。右翼旗佐領二十人。扎魯特左翼旗佐領十六人。右翼旗佐領十六人。阿魯科爾沁旗佐領五十人。翁牛特左翼旗佐領三十八人。右翼旗佐領二十人。克什克騰旗佐領十人。喀爾喀左翼旗佐領一人。烏珠穆沁左翼旗佐領九人。右翼旗佐領二十一人。浩齊特左翼旗佐領七人。右翼旗佐領五人。

蘇尼特左翼旗佐領二十人。右翼旗佐領十三人。阿巴噶左翼旗佐領十一人。右翼旗佐領十一人。阿巴哈納爾左翼旗佐領九人。右翼旗佐領七人。四子部落旗佐領二十人。茂明安旗佐領四人。烏喇特中旗佐領六人。前旗佐領十二人。後旗佐領六人。喀爾喀右翼旗佐領四人。鄂爾多斯左翼中旗佐領十七人。左翼前旗佐領四十二人。左翼後旗佐領四十人。右翼中旗佐領八十四人。右翼前旗佐領四十二人。右翼後旗佐領三十六人。右翼前末旗佐領十三人。每

旗統以扎薩克協理台吉管旗章京副章京。每六佐領設叅領一人。每佐領設驍騎校一人。各建盟長以統攝之。歸化城土默特旗副都統一人。左翼叅領五人。佐領驍騎校各二十五人。右翼叅領五人。佐領驍騎校各二十四人。統以綏遠城將軍一人。其派往各處駐劄理事兼管徵稅司員。八溝一人。塔子溝一人。烏蘭哈達一人。三座塔一人。由熱河都統管轄。熱河都統衙門。隨同辦事本院司員一人。又神木理事司員一人。寧夏理事司員一人。○原定。每旗設扎薩克

一人。總理旗務。以王貝勒貝子公台吉爲之。分別世管。

特簡不拘爵次。○又定蒙古四十九旗。均照內八旗之制。各設管旗章京以下驍騎校以上等官。分旗管理。○順治十六年題准。蒙古每百五十丁編爲佐領。設佐領一人。驍騎校一人。領催六名。馬甲五十名。○十七年定。管旗章京以下員缺。令各扎薩克王貝勒貝子公酌量補授。○十八年題准。蒙古旗分佐領多者。設管旗章京一人。副章京二人。十佐領以下者。設管旗章京一人。

副章京一人。多者裁汰。少者增設。○又題准。蒙古管旗章京。副章京。叅領。佐領。驍騎校。等官。頂戴坐褥。比在內都統。副都統。叅領。佐領。驍騎校。各降一級。○又定。蒙古管旗章京。副章京。員缺。該扎薩克等。於該旗台吉內。遴選人材。可觀能約束者。以原銜補授。台吉內。如無應補之人。由叅領內。遴選補授。叅領員缺。於佐領內。遴選補授。佐領員缺。於驍騎校內。遴選遞補。驍騎校領催馬甲缺。於有力能應差者。遴選充補。○康熙二十二年。題准。歸化城土默特兩旗。副都統員

缺。擇在內賢能官員由院會同兵部引

見補授。都統由院題請。○二十五年題准。蒙古管旗扎薩克及索倫等處總管。均照在內都統之制。各鑄給印信以昭信守。○三十三年覆准。歸化城兩旗。一旗二十五佐領。設叅領五人。一旗十二佐領。設叅領四人。今將浩齊特二佐領。歸併二十二佐領。一旗共二十四佐領。應照例增設叅領一人。行文該將軍。將應補叅領賢能之人。擬定正陪咨送引

見補授。○四十四年覆准。自管旗章京以下至有職

人等有年老殘疾人不及者分別黜革。於台吉中遴選賢能。按缺補授。○四十五年題准。歸化城防禦以上員缺。於應陞人員內遴選。送院引見補授。叅領佐領員缺。均從驍騎校內以次推陞。若驍騎校員缺。遴選前鋒護軍領催馬甲內弓馬精熟能約束者錄用。均令該都統會同將軍保送到院引

見補授。○四十七年題准。寧夏有城守都司一人。管轄把總二人。兵丁五百名。並無應辦之事。裁去都司。改設理事官。卽令在都司衙門駐劄。鑄給

辦理蒙古內地人民等字樣關防。凡沿邊地方
蒙古事件均令會同該扎薩克完結。不能完結
者報院。其原有兵丁五百名。應撥三百名屬二
把總管轄。仍令照常守禦。其餘二百名聽理事
官酌量編爲書吏快役。此改設理事官。於各部
院滿洲旗員及本院蒙古旗員內保舉引

見補授。定爲三年更代。○六十一年覆准。瑚坦和碩
至中衛沿邊鄂爾多斯六旗。原設辦理蒙古內
地事務官二人。會同該扎薩克辦理完結。均駐
劄寧夏。如關繫神木榆林等處蒙古事務。遙辦

全史二編卷之二十一

卷之二十一

三

恐致遲誤。應將理事官二員分駐寧夏一人。神木一人。○雍正元年

諭昔年

皇考聖祖仁皇帝由寧夏親征朔漠時。巡狩歸化城地方。見兩旗官兵委靡。弓馬不習。因將兩旗都統革退。別選京員管轄。舊習漸改。是以數年來選用京員之例已經停止。歸化城土默特兩旗原在四十九扎薩克內。其都統副都統等官皆國初歸附之土默特功臣子孫世爵。今遵復舊制。都統副都統員缺著將兩旗應補人員與原任都統副都統世家子孫及叅領

內人材可用能約束兵丁曾經効力行間人等保送引見。○又定土默特什長能與內地人一例當差者准戴藍翎。○三年奏歸化城都統所請引見官員每員缺送四五人引見之處應否准行奉

旨此等人若在佐領內推陞者照爾等所請祇送二人前來若於叅領及闔旗內揀選者著照伊等所請將送來人員引見擇其可用者照缺補用其餘可用者記名遇缺錄用。○乾隆十三年議准土默特左翼都統自原任都統丹津病故無後奉

旨以在京旗員補授。右翼都統員缺，仍於土默特蒙古內補授。均由院辦理。原設副都統四員，應裁汰二員，每翼各留二員。其揀選補放，專歸兵部。○又議准，扎薩克蒙古與同知通判等地方官，彼此袒護所屬之人，辦理公事不無掣肘。應於翁牛特王旗下烏蘭哈達地方，遣司官一人駐劄。令其將喀喇沁翁牛特二王、喀喇沁扎薩克一旗及翁牛特貝子、巴林、阿魯科爾沁等處凡有蒙古內地民人交涉事件，一併管理。再於土默特貝子旗下三座塔地方，遣司官一人駐劄。令

其將士默特敖漢喀喇沁貝子。及奈曼喀爾喀
錫呀圖庫倫等處。凡有蒙古內地民人交涉事
務。一併管理。仍各會同該扎薩克隨事完結。儻
有不公。再赴地方官告知。各鑄給關防。以昭信
守。此差往司官。定爲三年更代。照坐辦扎薩克
事務官員之例。每年廩給銀三百六十兩。併令
每年所管之地徧巡一次。別給銀百兩。以爲公
費。應於原任台吉蘇克都爾之妻所進十一佐
領內。擇其年力精壯者。設佐領二人。領催四名。
兵六十名。分與二處公事差遣。毋庸召募書吏。